



Maricus natione Boius erat, quos Hedui in societatem & foedus Romanorum, sub Iulio Cæsare receperant. Is autem Philosophiæ operam dabat, atque rerum naturalium contemplatione futura hominibus prædicebat. Propterea magnâ authoritatem, atque potentiam breui nactus est. Nam simulatione numinis milites colligere, & Romanorum arma laceßere ausus fuit. Itaque concitis octo millibus hominum, proximos Heduorum pagos partim promissis, partim vi ad se trahebat, Nerone tum Cæsare existente. Sed missis postea à Vitellio Cæsare cohortibus, fanatica illa multitudo dissipata est, Anno Christi septuagesimo.

In eo prælio Maricus captus, ac feris obiectus est. Verùm is suis incantationibus effecerat, ut feræ eius dilaniatione abstinerent, ita ut stolidum vulgus ipsum inuiolabilem, atque Deum crederent. Tandem tamen Vitellio spectante, Philosophus ille interfectus est, Deitatis opinionem cum uita miserè finiens. Sueton. Zieg.